

O Gott, ick kann nich mihr.  
Mien Kräft an ´t Enn´ sünd kamen.  
De Bülgen slahn mit Wucht  
heil oewer mi tausamen.  
Vull Weihdaag is mien Hart,  
dat Lachen mi vergahn.  
O Gott, lat mi doch nich  
as in den´ Rügen stahn.

O Gott, ick kann nich mihr.  
mi triezen Bang´ un Sorgen;  
ick seih kein´ Utweg nich,  
mi gruugt all hüt vör morgen.  
Hest du nich tauseggt mi,  
ick wier dien leiwet Kind?  
So help, dat wedder Kraasch  
tau´m Wiedergahn ick find.

Versuch einer Klage, die im  
Gesangbuch fast völlig fehlt  
Mel.: O Gott, du frommer Gott

Chr. Voß